

The background features a central dark red horizontal band. Above and below this band are large rectangular areas filled with a vibrant orange color. Overlaid on these orange areas are several semi-transparent, overlapping shapes in various shades of orange and red, including circles and triangles, creating a layered, abstract effect.

# Appeltjes van Oranje 2024


Ta hunto nos ta combati soledad!

#jij  
doet  
ertoe

## Appeltjes van Oranje di Oranje Fonds

Tur hende ta conta. Ta p'ese, nos ta uni forsa cu esnan cu ta inicia proyecto social, pa contribui na un comunidad unda un t'ey pa otro, tin oportunidad igual pa tur hende y e individuonan ta sinti cu nan no ta nan so.

Appeltjes van Oranje ta e premio prestigioso pa duna reconocimiento na iniciativa valioso. Tur aña, nos ta honra y premia tres iniciativa den nos area di trabou (social), pa asina contribui na un comunidad inclusivo den cual e habitantenan ta sinti cu nan tin un compromiso cu otro. Nos ta interesa den iniciativa cu ta unico, creativo y valioso, cu tin dos aña of mas activo y cu, debi na nan bunita resultadonan, ta sirbi como inspiracion pa otro.





Kico un premio Appeltje van Oranje ta representa precis? Na prome luga, aprecio pa e trabou y dedicacion di e organisacionnan ganado. Ademá, e intencion ta pa e premio sirbi como un inspiracion pa otro. P'esey, nos ta pidi e tres ganadonan actua como embahador y yuda mas organisacion bini cu iniciativa parecido.

E premio pa cada un di e tres ganadonan ta consisti di un figura di brons, obra di Prinsesa Beatrix, y un suma di € 25.000. Por uza e suma aki libremente den cuadro di e obhetivo di e iniciativa ganado. Tur aña, Reina Maxima ta haci entrega di tres Appeltje van Oranje na Paleis Noordeinde y cada cinco aña, Rey Willem-Alexander ta haci entrega di e premio.

## Tema 2024: Ta hunto nos ta bringa soledad!

*'Kico abo ta aporta pa combati soledad?'*

E aña aki, e premio ta enfoca riba proyecto den cual e participante- y voluntarionan ta traha hunto pa combati soledad.

Ora bo ta sinti soledad, bo ta sinti cu bo falta algo, cu bo no tin berdadero contacto cu otro hende. Tur hende por y a yega di sinti asina na cierto momento. Bo ta sinti cu bo a cay den un estado di isolacion, cu hende no sa cu bo t'ey, of cu bo no ta nifica nada pa nan. Y bo por sinti soledad hasta si tin un grupo grandi di hende rond di bo.

Hopi bes, ora bo ta sinti cu bo ta bo so of cu hende no sa cu bo t'ey, por cuminsa parse cu bida no tin sentido, cu bo no tin balor. Un acercamento efectivo lo mester logra yuda e persona tuma accion, haya control di nobo riba su bida, y hiba un bida cu sentido.

P'esey, den cuadro di e tema di Appeltjes van Oranje pa 2024, nos ta buscando proyecto cu ta logra pa hende solitario participa y bira mas activo, sea como voluntario of como participante cu ta tuma parti activamente den ehecucion di e actividadnan. Pasobra, ora bo haci algo pa otro, esey ta yuda bo mes tambe.

Por ehempel, kisas tin un proyecto den cual bo no ta mira un diferencia grandi entre e voluntarionan cu ta duna atencion y e participantenan cu tin mester di atencion. E proyecto su acercamento mester cumpli cu e necesidad cu hende tin di bini hunto, topa otro y wordo trata como un persona cu tin balor. **Mester acerca e persona a base di loke e tin di ofrece; no a base di su soledad.**

Ta importante pa organisa actividad util cu ta yuda hende sinti nan menos solitario, of pone hende den contacto cu otro pa nan por tin combersacion cu ta nifica algo pa nan.

Un factor hasta mas importante ta con, y te con leu, **tanto e participantenan como e voluntarionan** ta realmente involvi den desaroya e proyecto, planea e actividadnan y ehecuta nan.

P'esey, nos ta interesa den proyecto cu tin atencion special pa e manera cu e personanan ta participa activamente den henter e proceso. Pasobra, ora bo nifica algo pa un otro, esey tin nificacion pa bo tambe!

### **Ki tipo di proyecto por ta candidato?**

- Un centro di bario caminda e participantenan mes ta involvi activamente den diseño y ehecucion di e actividadnan, manera un combersacion tocante loke ta duna nan bida sentido.
- Proyecto cu ta yuda hoben y hende di edad crea contacto di largo plaso cu otro, manera un proyecto di hardineria di un centro di bario, caminda hoben y hende grandi cu ta solitario por traha hunto.
- Proyecto cu ta enfoca riba loke e participantenan tin di ofrece, esta, nan puntonan fuerte (no nan puntonan debil), y cu ta stimula nan pa participa den e proyecto of organisacion, pa asina soluciona nan isolacion social. Por ehempel, si bo ta un inmigrante cu ainda no ta domina e idioma y no ta compronde e cultura bon, esey por pone bo sinti soledad. Pero, probablemente bo tin algo di ofrece. Kico esey ta?
- Proyecto cu ta yuda hende uza e experiencia cu nan a gana den bida, por ehempel, un proyecto di amigo pa hende cu ta duna cuida informal. Pasobra ora bo comparti e experiencia cu bo a gana, bo ta yuda un otro y bo mes tambe.





## Criterio pa e iniciativa

Pa bini na remarke pa ricibi un Appeltje van Oranje 2024, un iniciativa mester cumpli cu e siguiente exigencianan:

- Su meta mester ta di combati soledad, sea ta soledad social, emocional of existencial. P'esey:
  - a. bo mester por splica bon con boso actividadnan ta contribui na combatimento di soledad.
  - b. bo mester por mostra cu di berdad boso ta alcansando hende cu ta sinti soledad.
- Bo grupo meta mester ta involvi activamente den planeamento y/of ehecucion di bo iniciativa. Y e involucramento ey no por keda na consulta so.
- E iniciativa mester ta basa riba e puntonan fuerte di e participantenan, esta, loke nan tin di ofrece.

## Nos ta paga tino principalmente na:

- Si e proyecto ta alcanza hende cu tin mas chens di sinti soledad. No ta consciente cu, generalmente, no ta riba un grupo di hende so un organizacion of proyecto ta concentra. Sin embargo, nos sa cu cierto etapa di bida (manera ora bo a caba di bay biba riba bo mes, divorcia, of baha cu pension) y otro factor, manera un nivel di educacion abou, orientacion sexual y migracion, por pone cu un persona tin mas chens di sinti soledad. P'esey, unda por, nos ta concentra riba iniciativa cu ta dirigi riba e gruponan ey.
- Con e proyecto ta uza su elementonan principal pa combati soledad. Por ehempel, con involvi e participantenan ta sinti nan den e actividad? Nan tin contacto cu otro hende, y e contacto ey ta nifica algo pa nan? Nan ta ricibi yudansa practico? E proyecto ta yuda nan desaroya habilidad social?
- Si ta principalmente voluntario ta yuda cu e diferente actividadnan den e proyecto.
- E iniciativa mester conta cu apoyo demostrabel. Cu otro palabra, mester por mostra cu e iniciativa ta cumpli cu un necesidad real y cu tin bon cooperacion cu e otro partidonan interesa, manera gobierno, sector priva y e otro organisacionnan similar.
- E iniciativa mester por sirbi como inspiracion, y otro mester por siña di dje.



### Criterio pa e organisacion

- E iniciativa mester tin forma huridico, manera fundacion, asociacion of cooperativa.
- E organisacion mester tin 2 aña of mas den funcionamiento y e mester ta organisa actividad henter aña. Un organisacion cu ta organisa actividad un biaha pa aña so no ta cumpli cu e criterio aki.
- E organisacion mester ta activo na Hulanda of na e parti Caribense di Reino.
- E organisacion mester ta financieramente solido y mester por sigui funciona sin tin mester di e premio.
- E organisacion no por a ricibi un Appeltje van Oranje den pasado. Si un iniciativa a yega di participa na e proceso di seleccion pa un edicion di Appeltjes van Oranje den pasado, por bolbe inscribi esaki, basta cu e ta cumpli cu e criterionan actual.
- E organisacion mester tin un meta social.



### Proceso di seleccion

Na october 2024, lo presenta e premio Appeltjes van Oranje na tres iniciativa social. E proceso di seleccion ta lo siguiente:

- Oranje Fonds ta haci un pre-seleccion a base di e formulario di inscripcion y e documentonan di e organisacion (statuut, cuenta anual, etc.). Nos ta tene cuenta cu e criterionan menciona mas ariba, pero tambe cu diversidad di e iniciativanan selecta (esta, diversidad geografico y pa loke ta trata e tipo di organisacion, grupo meta y tipo di acercamento). Di tur e inscripcionnan, nos lo scoge un maximo di 40 iniciativa na Hulanda y un maximo di 10 den Caribe.
- E 50 candidatonan aki lo participa den e dies dianan di votacion online, di 22 pa 31 di mei 2024. Esey ta ofrece nan un plataforma y e atencion cu nan merece. E iniciativa cu ricibi mas tanto voto ta gana e prome di e 10 nominacionnan.
- Despues, dia 8 di juni, tur 50 candidato lo presenta nan proyecto na otro y na e hurado durante e asina yama Pitch Day di Appeltjes van Oranje.
- Riba e dia aki, e hurado lo scoge e 9 otro nominadonan y asina e lista di 10 nominado lo ta completo: en principio, 8 di Hulanda y 2 di Caribe. E puntonan obteni durante e dies dianan di votacion no ta conta riba Pitch Day. E hurado lo basa nan seleccion riba e criterionan menciona ariba.
- E hurado ta scoge tres ganado. Directiva di Oranje Fonds ta ratifica e decision oficialmente.
- Tur tres ganado lo ricibi un suma di € 25.000 y un Appeltje van Oranje di brons.

# Inscripcion

Inscripcion 15 di januari te cu 23 di februari 2024

Mas informacion [www.oranjefonds.nl/appeltjes](http://www.oranjefonds.nl/appeltjes)

Naturalmente, bo por conta otro organisacion tocante e premio Appeltjes van Oranje. Por favor haci esey! Nan mes lo tin cu inscribi si.

# Pregunta?

Tuma contacto cu Marinka Peerdemann via [appeltjesvanoranje@oranjefonds.nl](mailto:appeltjesvanoranje@oranjefonds.nl).









The logo for Oranje Fonds is centered within a white square. The word "oranje" is on the top line and "fonds" is on the bottom line. The letters are in a lowercase, sans-serif font. The colors of the letters are: 'o' is orange, 'r' is dark red, 'a' is orange, 'n' is dark red, 'j' is orange, 'e' is dark red. The word "fonds" follows the same color scheme: 'f' is orange, 'o' is dark red, 'n' is orange, 'd' is dark red, 's' is orange.

oranje  
fonds